

Ti douvanjou an mwen sé on zèl papiyon

Katrèd-maten

On lè pou doubout,

On lè pou jaden pran lawout,

Lè a kilibi ka rimé,

On épi mayis pozé si
fwijidè-la,

On chopin farin pozé asi
tab-la,

On boutèy siwo sirèl koulé
asi Lèstonmak a Frédérik,

Kabrit wouklé, bèf tchoulé,

Kòk chanté, kòk dansé.

Flè, fougou , siwo, kann,
zikak,gouyav,

Kannari fè tin tin.

Katrèd-maten

Lè tèt a-w an bab pou lévé,

Lè pou manjé dannkit é plen
vant a-w,

Lè solèy ka dòmi toujou ;

Lè a malè ja lévé.

Lè pou mété dé koud hou an
patat-la

Katrèd-maten

Kòn a bèf

Lè i té a nèf,

Douvanjou.

Lapli ka tonbé,

Chodaj si difé,

Kòkma chapé,

Bèt a man Ibè alé.

Adan on batzyé,

Bèf dèyè ka bwè dlo sal,

Sé bennyé bonnè sèk vit.

Mazarine LAPILUS